

Жалған ақпаратты теріске шығару

БЖЗҚ тағы да жалған ақпараттың таратылуына тап болды. Электрондық пошта және мессенджерлер арқылы БЖЗҚ-ның жеке тұлғаларға ақшалай өтемақы төлеу туралы шешім қабылдағаны туралы телефонограмма жіберілуде. Өтемақы рубльмен тағайындалыпты-мыс.

«Құжаттың» жалған екендігін бір көргеннен-ақ білуге болады. БЖЗҚ-ның «Ресми жауабы» 2013 жылы қайта құрылған Мемлекеттік жинақтаушы зейнетақы қорының нөмірі жоқ бланкісінде басылып шыққан. Кіріс және шығыс нөмірлері БЖЗҚ-ның хат-хабарларды тіркеу журналында жоқ. Хатқа қол қойды деп көрсетілген басшы 2016 жылдан бастап Қорда жұмыс істемейді.

БЖЗҚ жалған ақпарат таратудың жауапкершілікке тартылатындығы (қылмыстық іс ретінде де – ҚР ҚК 274-бабы) туралы ескертеді.

Сондай-ақ Қор азаматтарға тек ресми көздерден алынған мәліметтерді ғана пайдалануға тағы да кеңес береді және зейнетақы жинақтарына байланысты барлық мәселелер бойынша тікелей Қорға 1418 нөмірі, +7 777 000 14 18 нөмірі арқылы Whats app, Viber чат-боттары, Қордың www.enpf.kz корпоративтік сайтындағы онлайн-кеңесші, өтініштерді enpf@enpf.kz электрондық поштасы бойынша жіберу, Instagram, Facebook, ВКонтакте, twitter Telegram, Одноклассники тәрізді әлеуметтік желілердегі аккаунттар сияқты тәсілдердің өзіңізге ыңғайлысын таңдап, хабарласуға кеңес береді.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Ұлттық қорды басқару кеңесіне берілді. Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).